
MSWADA

WA

**SHERIA YA KUTOZA KODI NA KUBADILISHA BAADHI YA
SHERIA ZA FEDHA NA KODI KUHUSIANA NA UKUSANYAJI
NA UDHIBITI WA MAPATO YA SERIKALI NA MAMBO
MENGINE YANAYOHUSIANA NA HAYO**

IMETUNGWA na Baraza la Wawakilishi la Zanzibar.

**SEHEMU YA KWANZA
UTANGULIZI**

Jina fupi
na kuanza
kutumika. **1.** Sheria hii itajulikana kama Sheria ya Fedha (Usimamizi wa Mapato) ya 2016 na itaanza kutumika mara baada ya kutiwa saini na Rais.

**SEHEMU YA PILI
MAREKEBISHO YA SHERIA YA USIMAMIZI WA KODI
NAMBA 7 YA 2009**

Kusomwa. **2.** Sehemu hii itasomwa pamoja na Sheria ya Usimamizi wa Kodi Namba 7 ya mwaka 2009 ambayo katika sehemu hii itajulikana kama "Sheria Mama".

Marekebisho
ya kifungu
cha 18. **3.** Kifungu kidogo cha (2) cha kifungu cha 18 cha Sheria Mama kinarekebishwa kwa kufutwa neno "saba" na kuweka badala yake neno "kumi".

Marekebisho
ya kifungu
cha 23. **4.** Kifungu kidogo cha (3) cha kifungu cha 23 cha Sheria mama kinarekebishwa kwa kufutwa maneno "walipakodi wote" na kuweka badala yake maneno "aina fulani ya biashara".

Marekebisho
ya kifungu
cha 54A. **5.** Kifungu cha 54A cha Sheria Mama kinarekebishwa kwa kuingiza vifungu vidogo vipya vya (3), (4), (5), (6), (7), (8), (9), (10) na (11) mara baada ya kifungu kidogo cha (2) kama ifuatavyo:

(3) Masharti ya kifungu hiki yatatumika kwa biashara yoyote inayoendeshwa chini ya uendeshaji wa biashara au mtu mwingine.

(4) Kwa kuzingatia masharti ya kifungu hiki:

(a) "kuendesha" inajumuisha kusimamia, kudhibiti, au kuendesha biashara;

(b) "mmiliki" kuhusina na bidhaa au mali itajumuisha, mbali ya afisa anayefanyakazi kwa nafasi yake, mtu yeyote ambae ni anayejitambulisha kuwa ni mmiliki, wakala, au mtu mwenye umiliki, au anayenufaika, au anayedhibiti, au mwenye uwezo wa kutoa au kusimamia bidhaa au mali.

(5) Kwa kuzingatia masharti ya kifungu kidogo cha (3) cha kifungu hiki:

- (a) mtu anayeendesha biashara anatakiwa, ndani ya siku kumi na nne kuazia siku ya kusainiwa mkataba wa uendeshaji biashara hiyo aweke dhamana ya kutosha iwe ya fedha taslim au ya rehani kama itakavyoainishwa na Kamishna;
- (b) kamishna atakuwa na uwezo wa kuhaulisha dhamana hiyo kuwa mapato kwa lengo la kugomboa dhima ya kodi yanayodaiwa kwa mtu huyo.

(6) Pale ambapo dhamana iliyoelezwa katika kifungu kidogo cha (5) haitatosha kulipa deni la kodi la mtu anayeendesha biashara, Kamishna anaweza, kwa lengo la kugomboa kodi, kuchukua dhamana iliyowekwa kati ya wahusika wanaofanya biashara hiyo, kama dhamana hiyo inahusisha mmiliki wa mali na mwendeshaji wa biashara hiyo.

(7) Mtu aliyelezwa katika kifungu kidogo cha (5) hataondolewa katika majukumu yake ya kulipa kodi katika mamlaka yake ya uendeshaji na kitu au mali yoyote ya mmiliki au mtu anayeendesha biashara inaweza kuzuiwa na kutaifishwa kwa kulipia deni la kodi.

(8) Katika kutekeleza masharti ya vifungu vidogo vya (6) na (7) vya kifungu hiki:

- (a) mmiliki ana jukumu la kutoa masharti au kutaka dhamana kwa mtu anayeendesha biashara kwa lengo la kulipwa kodi, na kama mmiliki huyo atashindwa kufanya hivyo, atawajibika kulipa deni la kodi lilichoachwa na anayeendesha biashara na mali zake zinazohusika na biashara hiyo zitaweza kutumika kulipia deni hilo;
- (b) mtu anayeendesha biashara ni lazima atimize matakwa ya aya (a) ya kifungu kidogo hiki;
- (c) mtu anayeendesha biashara atakayekwenda kinyume na matakwa ya aya (a) ya kifungu kidogo hiki, biashara yake hiyo itachukuliwa kuwa anayeendesha kinyume na sheria na hatua muafaka za kisheria zitachukuliwa dhidi yake.

(9) Mmiliki wa mali analazimika kuwasilisha, ndani ya siku kumi na nne baada ya tarehe ya kusainiwa mkataba wa uendeshaji biashara, nakala iliyothibitishwa ya mkataba baina yake na mtu anayeendesha biashara kwa Kamishna na kumjulisha Kamishna si chini ya siku 30 kabla, kusita mkataba kati yake na muhusika.

(10) Mmiliki atakayeshindwa kumjulisha Kamishna kusita kwa mkataba kama ilivyoelezwa katika kifungu kidogo cha (9) amefanya kosa na akipatikana na hatia atalazimika kulipa kiasi chote kinachodaiwa kama kodi na faini kama ilivyoelezwa katika kifungu cha 15 cha Sheria hii.

(11) Mmiliki atakayeshindwa kuwasilisha mkataba kwa mujibu wa kifungu kidogo cha (9) amefanya kosa na atapewa adhabu kama itakavyoamuliwa na Kamishna.

Marekebisho
ya kifungu
cha 56.

6. Kifungu cha 56 cha Sheria mama kinarekebishwa kwa:

- (a) kuongezwa kifungu kidogo kipya cha (2) mara tu baada ya kifungu kidogo cha (1) kama ifuatavyo:
- (2) Bila kujali masharti ya kifungu kidogo cha (1):
 - (a) kamishna anaweza kuhukumu kosa lililofanywa na mtu yoyote chini ya Sheria hii, iwe mtu huyo amefanya maombi au hakufanya maombi, kwa kumtaka kulipa faini iliyoelezwa kwa kosa hilo.
 - (b) mtu ambae hakuridhika na hukumu ya kamishna chini ya aya (a) anaweza kukata rufaa dhidi ya maamuzi ya Kamishna mbele ya Bodi ya Rufaa za Kodi.
- (b) kuingiza maneno "na (2)" baina ya maneno "kifungu kidogo cha (1)" na "cha kifungu hiki" yaliopo kwenye kifungu kidogo cha (4) pamoja na kifungu kidogo cha (5) cha kifungu hiki na kisomeke "kifungu kidogo cha (1) na (2)".
- (c) kuvipanga vifungu vidogo vya (2), (3), (4), (5) na (6) na kuwa vifungu vidogo vya (3), (4), (5), (6) na (7) kwa mpangilio wake.

**SEHEMU YA TATU
MAREKEBISHO YA SHERIA YA KODI YA ONGEZEKO
LA THAMANI NAMBA. 4 YA 1998**

Kusomwa. **7.** Sehemu hii itasomwa pamoja na Sheria ya Kodi ya Ongezeko la Thamani, Namba 4 ya 1998 ambayo katika Sheria hii itajulikana kama "Sheria Mama".

Marekebisho
ya kifungu
cha 16.

8. Kifungu cha 16 cha Sheria Mama kinarekebishwa kwa kuvifuta vifungu vidogo vya (1), (2) na (4) na kuweka badala yake vifungu vidogo vipya vya (1), (2) na (4) vifuatavyo:

- (1) Kwa madhumuni ya sehemu hii, "kodi kwenye manunuzi" maana yake ni:
 - (a) kodi iliyolipwa kwa usambazaji kwa mlipakodi aliyesajiliwa Zanzibar kwa bidhaa au huduma zinazototwa kodi ambazo zitatumwa na mlipakodi kwa lengo la biashara yake;
 - (b) kodi inayolipwa na mlipakodi kwa uingizaji wa bidhaa au huduma ambazo zitatumwa na mlipakodi kwa lengo la biashara yake.
- (2) Mlipakodi ataruhusiwa kupunguza kiwango cha kodi kwenye manunuzi yaliyotumiwa na mtu huyo ikiwa:
 - (a) bidhaa au huduma, ambazo kodi kwenye manunuzi imetumika zimepatikana Zanzibar na mlipakodi kwa lengo la kufanya usambazaji wa huduma au bidhaa zinazototwa kodi;

- (b) kwa upande wa uingizaji, mlipakodi amelipa kodi ya ongezeko la thamani inayotozwa kwa uingizaji chini ya Sheria hii;
- (c) kodi ya ongezeko la thamani iliyozuiwa na wakala aliyeteuliwa kuzuia kodi katika kipindi maalum cha hesabu ambacho zuiwa limefanyika, na ambayo haijapunguzwa kabla;
- (d) kodi ya ongezeko la thamani kwa usambazaji wa huduma, zilizolipiwa na mlipakodi kutoka sehemu yoyote nje ya Zanzibar zitakuwa ni kodi kwenye mauzo na kodi kwenye manunuzi ya mlipakodi, na mlipakodi huyo hataruhusiwa kupunguza kodi kwenye manunuzi kwa huduma hiyo isipokuwa awe ameonesha kodi kwenye mauzo kwa kiwango sawa cha kodi ya ongezeko la thamani katika marejesho ambayo kodi kwenye manunuzi inadaiwa kupunguzwa.

(4) kodi kwenye manunuzi haitapunguzwa, au kudaiwa isipokuwa mlipakodi, wakati wa kuwasilisha marejesho ambayo ina punguzo au madai, awe anamiliki:

- (a) ankara ya kodi inayohusiana na usambazaji wa bidhaa au huduma iliyotolewa chini ya Sheria hii; au
- (b) nyaraka za uthibitisho wa malipo kwa uwakala wa kuzuia kodi zilizotolewa chini ya masharti ya Sheria ya Usimamizi wa Kodi; au
- (c) nyaraka za forodha zilizothibitishwa na afisa anayehusika zikiambatana na risiti ya malipo ya kodi inayodaiwa;
- (d) risiti ya forodha na hati iliyosainiwa na Kamishna wa Forodha Zanzibar inayoeleza kiasi cha kodi kilicholipwa, iwapo bidhaa zimenunuliwa katika mnada wa forodha;
- (e) uthibitisho wa hati ya uingizaji bidhaa iliyothibitishwa na afisa aliyeidhinishwa na ushahidi wa malipo yaliyofanywa, kwa huduma zinazolingizwa; au
- (f) nyaraka yoyote ya ushahidi wa malipo kama Kamishna atakavyoeleza.

SEHEMU YA NNE
MAREKEBISHO YA SHERIA FEDHA (USIMAMIZI, WA
MAPATO) NAMBA. 9 YA 2015

9. Sehemu hii itasomwa pamoja na Sheria ya Fedha (Usimamizi wa Mapato) Namba 9 ya 2015 ambayo katika Sheria hii itajulikana kama "Sheria Mama".

Kusomwa.

Marekebisho ya kifungu cha 20. **10.** Kijifungu cha kwanza kilichopo katika kifungu kidogo cha (3) cha kifungu cha 20 cha Sheria Mama kinarekebishwa kwa kuingizwa maneno "au malipo yanayolingana kwa Shilingi ya Kitanzania" baina ya maneno "USD 1" na "kwa mtu".

SEHEMU YA TANO
MAREKEBISHO YA SHERIA YA MAFUNZO YA AMALI
NAMBA 8 YA 2006

Kusomwa. **11.** Sehemu hii itasomwa pamoja na Sheria ya Mafunzo ya Amali Namba. 8 ya 2006 ambayo katika Sheria hii itajulikana kama "Sheria Mama".

Marekebisho ya kifungu cha 15. **12.** Kifungu cha 15 cha Sheria mama kinarekebishwa kwa kufuta kifungu kidogo cha (4) na kuweka badala yake kifungu kidogo kifuatacho:

"(4) Masharti ya kifungu kidogo cha (1) hayatatumika kwa:

- (a) Idara yoyote ya Serikali na Taasisi yoyote ya Umma ambayo haiendeshwi kwa faida na ambayo kimsingi inagharamiwa kupitia Mfuko Mkuu wa Serikali;
- (b) Serikali za Mitaa;
- (c) Afisi za Kibalozi; na
- (d) Umoja wa Mataifa na Wakala wake.

Marekebisho ya kifungu cha 29. **13.** Kifungu cha 29 cha sheria mama kinarekebishwa kwa:

(a) kuingiza kifungu kidogo cha (2) mara baada ya kifungu kidogo cha (1) kama ifuatavyo:

(2) kila mwajiri atawasilisha kwa Naibu Kamishna ndani ya siku thelathini baada ya kumalizika kipindi cha miezi sita cha kalenda, taarifa ya miezi sita inayoeleza yafuatayo:

- (a) malipo yaliyofanywa na mwajiri kwa kipindi ambacho kitahusika na malipo;
- (b) muhtasari wa malipo yote na kodi iliyolipwa tafauti kwa waajiriwa wa kudumu na wasio wa kawaida pamoja na kodi iliyolipwa katika kipindi hicho;
- (c) taarifa nyengine yoyote ambayo Naibu Kamishna ataihitaji.
- (b) kuvipanga vifungu vidogo vya (2), (3), na (4) na kuwa (3), (4) na (5) kwa mpangilio.

SEHEMU YA SITA
MAREKEBISHO YA SHERIA YA UKUZAJI VITEGA UCHUMI
NAM. 11 YA MWAKA 2004

14. Sehemu hii itasomwa pamoja na Sheria ya Ukuzaji Vitega Uchumi Nam. 11 ya mwaka 2004 ambayo katika sehemu hii itajulikana kama "Sheria Mama". Kusomwa.

15. Kifungu 20 cha Sheria mama kinarekebishwa kwa:

Marekebisho
ya kifungu
cha 20.

(a) kuweka namba upya kifungu cha 20(1) kuwa 20(1)(a);

(b) kuongeza aya mpya (b) na kuwa 20(1)(b) ifuatavyo:

(b) atasainiwa iliyotajwa kwenye aya (a) ya kifungu hiki.

(c) kufuta kifungu kidogo cha (2) na kuweka kifungu kidogo kipya kifuatacho:

“(2) Kwa lengo la kuimarisha uwekezaji, Waziri kwa kushauriana na kukubaliana na Waziri wa Wizara husika, anaweza kukubaliana na kuweka vivutio visivyo vya kodi”, isipokuwa kwamba makubaliano yoyote yanayohusisha vivutio vya kodi yatafanyika kwa mazungumzo ya pamoja na Waziri wa Fedha”.

SEHEMU YA SABA
MAREKEBISHO YA SHERIA YA RUFEE ZA KODI YA ZANZIBAR,
NAM. 1 YA MWAKA 2006

16. Sehemu hii itasomwa pamoja na Sheria ya Rufaa za Kodi ya Zanzibar, Nam. 1 ya mwaka 2006 ambayo katika sehemu hii itajulikana kama "Sheria Mama". Kusomwa.

17. Kifungu kidogo cha (1) cha kifungu cha 14 cha Sheria mama kinarekebishwa kwa kuondoshwa neno “Waziri” na kuwekwa badala yake neno “Jaji Mkuu”. Marekebisho
ya kifungu
cha 14..

MADHUMUNI NA SABABU

1. **Mswada huu wa Sheria** umegawika katika sehemu Saba (7) ambapo **Sehemu ya kwanza ya Mswada** inahusiana na vifungu vya utangulizi ambavyo vinaelezea jina la sheria, na utumikaji wa sheria.

2. **Sehemu ya Pili ya Mswada** inafanyia Marekebisho Sheria ya Usimamizi wa Kodi Nam 7 ya mwaka 2009 kwa:

- (a) kurekebisha tarehe ya kuwasilisha ritani kuwa tarehe 10 badala ya tarehe 7;
- (b) kutambua kumbukumbu nyengine mbali ya risiti na Ankara za kodi;
- (c) kuongeza vifungu vidogo katika kifungu cha 54 ili kuweka utaratibu kwa biashara zilizo chini ya usimamizi au uendeshaji;
- (d) kutoa uwezo kwa Kamishna kumaliza makosa bila ya kupata maombi.

3. **Sehemu ya Tatu ya Mswada** inaweka marekebisho ya Sheria ya Ongezeko la Thamani Nam. 4 ya 1998 kwa kurekebisha kifungu cha 16(1), (2) na (4) ili kutoa ufafanuzi zaidi wa sifa na vigezo vya kupunguza kodi kwenye manunuzi.

4. **Sehemu ya Nne ya Mswada** inafanyia marekebisho Sheria ya Fedha Nam. 9 ya 2015 kwa kuweka thamani ya shilingi ya Kitanzania katika Dola ya Kimarekani katika malipo ya Kodi ya Miundombinu.

5. **Sehemu ya Tano ya Mswada** inafanyia marekebisho Sheria ya Mafunzo ya Amali Nam. 8 ya 2006 katika kifungu cha 15 na 29 kwa-

- (a) kuongeza taasisi ambazo hazitalipa kodi ya Maendeleo ya Amali kama taasisi za Kibalozi, taasisi za Serikali na UN;
- (b) kuweka utaratibu wa kuwasilisha taarifa za malipo ya kodi.

6. **Sehemu ya Sita ya Mswada** inafanyia marekebisho Sheria ya Ukuzaji Vitega Uchumi Nam. 11 ya 2004 katika kifungu cha 20 kwa kuelezea kwamba Waziri (anaehusika na uwekezaji) kwa kushauriana na kukubaliana na Waziri anaehusika na shauri liliopo ambalo linahitaji fursa za kodi kuweza kukaa pamoja kujadiliana na kuamua kuhusiana na fursa inayowezekana kutolewa, zaidi ya hapo kifungu kimeelezea zaidi kwamba majadiliano au makubaliano yote yanayohusiana na fursa za kodi ni lazima yafanywe kwa pamoja na Waziri anaehusika na Fedha.

7. **Sehemu ya Saba ya Mswada** inafanyia marekebisho Sheria ya Rufaa za Kodi ya Zanzibar, Nam. 1 ya 2006 katika kifungu kidogo cha (1) cha kifungu cha 14 kwa kumpa mamlaka Jaji Mkuu ya uteuzi wa Mrajis na Naibu Mrajis badala ya ilivyokuwa kabla ambapo mamlaka hayo yalikuwa yakitekelezwa na Waziri.

{ **DR. KHALID SALUM MOHAMED** }
WAZIRI WA FEDHA NA MIPANGO

Mei, 2016,
ZANZIBAR

